

Kontuola

ANTZUOLA / Egubakoitza / 2002ko irailaren 6a / 124. zenbakia

KOORDINATZAILEA: Aintzane Irizar • Barrenkalea 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com

Jantokia estreinatuko dute Herri Ikastetxean ikasturte berriarekin

AINTZANE IRIZAR

Datorren astelehenean, irailak 9, hasiko dute Herri Ikastetxe-ko ume eta neska-mutikoen ikasturtea. Aurten berritasun garrantzitsu batekin hasiko dute, gainera, ikasturte hori; izan ere, eskolan bertan bazkaltzeko aukera izango dute hala nahi duten umeek.

Oraingoz goizez bakarrik izango dituzte eskolak Herri Ikastetxe-ko umeek. Hilaren 16an hasiko dira goiz eta arratsalde, eta orduantxe, hain zuzen ere, estreinatuko dute jantokia.

Hogeita lau ume eman dute izena, oraingoz, jantokian bazkaltzeko. Horietatik bederlatzi Haur Hezkuntzakoak dira, eta gainerako hamabostak Lehen Hezkuntzakoak.

Janaria prestatuta ekarriko dute; Auzo-Lagun enpresa arduratuko da bazkaria prestatzeaz. Bazkalordurako hiru langile kontratatu ditu Auzo-Lagun enpresak, eta umei jaten emateaz eta horiek zaintzeaz arduratuko dira.

Esan bezala, 24 ume hasiko dira, oraingoz, jantokian bazkaltzen, baina 40 bat umerendako tokia dago. Hortaz, aurrera begira ume gehiagok ere badaukate izena emateko aukera.



Hogeita lau ume eman dute izena jantokian bazkaltzeko.

GURASOENDAKO BATZARRA

Pausoka gurasoen elkarteak batzarra egingo du datorren astean; eskolan bertan egingo dute batzarra, martitzenean, irailaren

10ean, 18:30ean. Batzar horretan jantokiaren gaineko azalpen guztiak emango dituzte. Dagoeneko jantokirako izena emanda daukaten umeen gurasoei ez ezik, ize-

na emateko interesa dutenei ere zuzenduta dago batzar hori. Izena eman nahi izan eta batzarre- ra joaterik ez dutenek Pausoka-ko kideekin berba egin dezakete.

ANTZUOLA ETXEGINTZA

Irailaren 30era arte izena emateko aukera

AINTZANE IRIZAR

Antzuola Etxegintza hasi da dagoeneko hirugarren etxebizitza multzoa eraikitzen. Etxebizitza horietako bat lortu nahi dutenek abuztua ezker dute izena emateko aukera, eta irailaren 30ean bukatuko da epea.

Irailaren Debagoieneko Mankomunitateko Suradesa erakundeak aholkularitza zerbitzua eskainiko die eraikiko dituzten

hamasei etxebizitzetako bat erosi nahi dutenei. Udaletxean bertan egokituko dute horretarako bulegoa, eta beharrezko informazio guztia eskainiko diete interesa duten guztiei. Irail osoan, egubakoitzero egongo dira Suradesakoak, 08:00etatik 14:00etara. Zerbitzu hori erabili nahi dutenek alde aurretik txanda eskatu beharko dute, udaletxeko telefono zenbaki honetara deituta: 943 76 62 46.



Irailaren, egubakoitzero, aholkularitza zerbitzua eskainiko du Suradesak.

LABUR

Finalista Eguna ospatuko dute domekan, hilak 8

Irailaren 8an, domekan, ospatuko dute Finalista Eguna, Arrola mendi elkartearen antolatuta. 09:00etan irtenko dira plazatik, eta mendi ibilaldia egin ostean, Trekutze- ra iritsiko dira. Eta ordurako prest izango dute salda eta txorizoa, nahi duten guztien dako.

Liburutegiak ordutegi berria dauka irail osoan

Irailaren ordutegi berria izango du liburutegiak. Astelehene- tik eguenera 17:00etatik 20:00etara egongo da zabalik. Egubakoitzetan, berriz, goizez bakarrik zabalduko dute, 11:00etatik 14:00etara. Urri- tik aurrera berriz, ohiko ordutegi- a izango du: 17:00etatik 20:00etara egongo da zabalik.

Gaur, egubakoitza, frontoi aurrean egingo dute azoka

Uztailaren aurreratu gizenen moduan, irailatik aurrera frontoi aurreko aldean egingo dute egubakoitzero azoka. Gaur, irailak 6, ziren lehen aldiz azoka toki horretan egitekoak. Saltzaileek behin eta berririo azoka tokiz aldatzeko eskaerari erantzunez erabaki- zuen Udalak aldaketa hori.


Anelkarrek bidali du Senegalera batutako materiala

Joan den astean bidali zituzten, itsasontziz, herrian batu- tako arropa eta eskolarako materiala Senegalera. Bestalde, Canudoserako (Brasil), guztira, 6.981 euro batu zituzten herriko jaietan, tonbolan batutakoari dirulaguntzak batuta. Herriar guztiei esker- rarak eman nahi izan dizkie Anelkarrek.

ELKARRIZKETA

ANDONI AZKARGORTA/BERGARAKO ERREGIONAL MAILAKO ENTRENATZAILEA

“Aldaketa beharra sentitzen nuen, nahiz eta Antzuolan gustora egon”



AINTZANE IRIZAR

Urte mordo egin ditu Andonik futboleko entrenatzaile Antzuolan. Eskolako umeak, gazteak, kadeteak eta erregionalak entrenatu ditu. Berraondoren botilero ere behin baino gehiagotan ikusi dugu.

Zelan eta noiz hasi zinen futboleko entrenatzaile?

Hamalau urte neuzkala hasi nintzen; Herri Ikastetxetik deitu zidaten, entrenatzaileak behar zituztela-eta. Horrelaxe hasi nintzen.

Oso gazte hasi zinen, hortaz.

Bai; beti gustatu izan zait futbola, ez jokatzera bakarrik, baita jokoa bera aztertu eta ondorioak ateratzea ere.

Eskolakoekin hasi eta beste hainbat talde entrenatu dituzu gero, ezta?

Bai, gehientsuenak: gazteak, kadeteak eta erregionalak.

Hasita zaude Bergarako erregionalko mailako taldea entrenatzen. Zer moduz?

Ondo, oso inpresio ona izan dut. Antzuolan beti jende bera entrenatzen ibili naiz, eta, gainera, denok ezagunak gara. Jende aldatze hori oso ondo etorri zait; zerotik hasten zara lanean, jendea ezagututa. Horrelako zer-baiten falta sumatzen nuen, aldaketa baten beharra neukan. Hala ere, horrek ez du esan nahi Antzuolan gustura ibili ez naizunik, alderantziz, oso gustura egin dut lan han.

Iazko denboraldia nahiko txarra izan zen orain entrenatuko duzun taldearendako. Lan zaila egokitu zaizu?

Ez zen, ez, denboraldi ona izan; erregionaleko lehen mailatik bigarrenera jaitsi zen. Esan didatenez, ez ziren behar bezala entrenatzen eta ohitura batzuk hartu behar zituzte. Dena dela, kalitatezko jokalariek daude.

Taldeak zelako jokoa egitea: nahiko zenuke?

“Irrikan nago Antzuolaren aurkako derbia jokatzeko, motibatu egiten nau”

Talde aurkaria presionatzea gustatzen zait, eta ahalik eta goren jokatzera. Aurkarien atletik gertu balaioa lapurtzen saiatu eta ahalik eta azkarren erasotzea. Labur esanda, joko azkarraren bitartez aukerak sortzea gustatzen zait. Aurtun, hortaz, derbi interes-

“Taldea aurkaria presionatzea gustatzen zait, eta, azkar jokatzera, aukerak sortzea”

garriak izango ditugu?

Bai, eta irrikan nago, gainera. Motibatu egiten nau Antzuolaren aurka jokatzeko, morbo pixka bat ere badauka. Gainerako partidua guztiak irabaz ditzala Antzuolak, baina gure kontra, behintzat, ez.

KIROLA

Kirol eskaintza Udalaren eskutik

AINTZANE IRIZAR

Urtero moduan, ikasturte hasierarekin batera, hainbat kirol praktikatzeko aukera eskainiko du Antzuolako Udalak. Gimnasia, aerobika eta hirugarren adinekoei zuzendutako kirol jarduerak daude aukerak, eta irailaren 16an hasiko dituzte saioak.

Datorren astelehenetik, irailaren 16an, hasiko dituzte Antzuolako Udalak antolatutako gimnasia, aerobik eta hirugarren adinekoentzako kirol eskaintzak. Horietako ikasturtearen baten parte hartu nahi dutenek datorren eguzte bakoitzean, irailaren 11 baino lehen, hain zuzen ere. Udaletxeko bulegoetan eman dezakezue izena, 08:00etatik 15:00etara bitartean.

Matrikulagatik 18 euro ordaindu beharko dira, eta hileroko ordaindu beharreko kuota 15 euro izango da. Ikasturtea bukatzen dutenei, matrikulagatik ordaindutako diru kopurua itzuli egingo diete. Bestalde, izena eman baina izenematea bertan behera laga nahi dutenek irailaren 25a baino lehenago jakinarazi beharko dute udaletxeko bulegoetan bertan.

Iazko ikasturtean kirol eskaintza horietakoren baten ibili zirenek ere izena eman behar dute.

EGUNAK ETA ORDUTEGIAK

Astelehenetik, eguztenez eta eguztenez izango dira aerobik, gimnasia eta hirugarren adinekoentzako kirol saioak, urteroko tokietan.

Hirugarren adinekoentzako kirol eskaintzari dagokionez, ordutegi bakarra dago, talde bakarra osatuko dute, hortaz. 10:15etik 11:15era izango dira kirol saio horiek.

Gimnasia saioak, berriz, arratsaldean izango dira, 19:15etik 20:15era, hain zuzen ere.

Aerobik ikasturteari dagokionez, berriz, aukera bat baino gehiago daude ordutegiari dagokionez. Honako ordutegi hauek daude aukeran: 09:15etik 10:15era eta 18:15etik 19:15era. Bazegoen beste aukera bat ere, 20:15etik 21:15era, hain zuzen ere, baina dagoeneko osatu dute talde hori, eta ez dago jende gehiagorendako tokirik.

Azkenik, aipatu beharra dago ordutegi bakoitzerako, gutxienez, 10 laguneko taldeak osatu behar direla eta gehienez, aldiz, 20 lagun hartuko dituztela talde bakoitzerako.

LABUR

Antzuolako Kirol Elkarteak urteko kuota igotzea erabaki zuen urteko batzarrean

Horixe izan zen joan den uztailaren 29an egindako urteko batzar orokorrean hartutako erabaki nagusienetakoa bat. Denboraldi berrian hamabost euro ordaindu beharko ditu bazkide bakoitzak. Aipatu behar da oso jende gutxi parte hartu zuela urteko batzar orokorrean.


Bestalde, Tomas Ormaetxeak jarraituko du kirol elkartearen presidentetutzan. Aipagarria da, bestetik, lau lagunek laga egin dituztela elkartearen zuzentzaile karguak, honako hauek, hain zuzen ere: Mikel Larreak, Juan Miguel Pagaldaik, Tomas Longaresek eta Jose Manuel Arregik. Orain, berriz, honako hauek osatzen dute Zuzendaritza batzordea: Pablo Olalde, Jose Angel Fernandezek, Patxi Godoik, Alfonso Castrok eta Tomas Ormaetxea presidentetutzan.

LARREA
TABERNA
Kalebarren 17
ANTZUOLA

Igor eta Txomin

Margoak orokorrean
ANTZUOLA 609 157 131
BERGARA 609 150 164

Tomas Gezalaga
Apainketarako eta industriarako pinturak
Paper margotzak
Moketak eta tapizatuak
Kalegoi 21
Tf. eta faxa 943 76 64 07
Poltsikokoa 616 277 999
ANTZUOLA / BERGARA

GAILUR
taberna eta gozotegia

Buztinzuri 13 ANTZUOLA
Tf. 943 78 70 32

Tomas Gezalaga
Zoruen kutxilatuta eta barnizaketa
Kalegoi 21
Tf. eta faxa 943 76 64 07
Poltsikokoa 616 277 999
ANTZUOLA / BERGARA